

## WŌTAR IN KŌMMAN NŌMBA 20-25

### **JUON OREGON ME EJ SAFE IM KAJOOR: LOLOODJAEK KIPEL KO AIKUJI ILO AD UWAAKE COVID-19, IM JEJJET KŪTIEN KILTŌN MADMŌDE AD BAR KŌPELŁŌK ECONOMY EO AN OREGON**

Ilo Pāpode 28, 2020, ikar jitōne Kumi in Uwaake Coronavirus an State in Oregon (State of Oregon's Coronavirus Response Team) eo.

Ilo Pāpode 29, 2020, Raan Jipañ nān Armej (Department of Human Services) eo ekar leļok kakien in tōl ko repen, me rekar kōjjeṃļok iien loļok ilo iṃōn kōjparok kakkobaba, kōpool iṃōn nōj ro kōjparoke rūtto ro.

Ilo Maaj 2, 2020, rekar jinoe State in Oregon Jikin Tōl Karejar ilo Idiñ (State of Oregon Emergency Coordination Center) eo.

Ilo Maaj 8, 2020, ikar keeañ ke ewōr juon idiñ, iuṃwin ORS 401.165 *im menin loor* im wūnin ej uwōta nān ājmuur loḃwilej me coronavirus (COVID-19) me ejeļā tōrañ armej ej likūt.

Ilo Maaj 12, 2020, Ikar kōmḃ iien kakkobaba me elōñ 250 armej ak lōñļok, im ikar kipel ke jikuul ko K-12 ilo Oregon jen ikkiil jān Maaj 16, 2020, nān Maaj 31, 2020.

Ilo Maaj 13, 2020, Būreejtōn eo an United States eo ekar keeañ ke ļap-waļok eo an COVID-19 ej juon idiñ in aelōñ eo.

Ilo Maaj 16, 2020, Raan Jipañ nān Armej (Department of Human Services) eo ekar likūti kiltōn kōjparok ko an āliktata (nān kiiō) nān kōjjeṃļok ṃōko iṃōn kōjparok-ettoļok im bar ṃōko iṃōn elōñ armej jokwe ie. Eṃōj an Oregon Maroñ kōn Ājmuur (Health Authority) eo ebbōk kiltōn āindein ilo Oregon State Aujpitōl eo im bar jet jikin ājmuur ikijjien ṃwilin armej, im eṃōj an kōjjeṃļok wōran armej me rej kaddeļoñ ilowaan Oregon State Aujpitōl eo. Eṃōj an Oregon Raan Kajimwe (Department of Corrections) kabbōjrak aolep iien loļok nān kalbuuj ko an state eo.

Ilo Maaj 17, 2020 ikar kōmḃ kakkobaba ñe elōñļok jān 25 armej, kōmḃ ṃōñā im idaa ko iṃōn ṃōñā ko ilo aolepan state eo, im ikar kōttoļok an jikuul ko ikkiil ṃae Eprōļ 28, 2020. Ikar bar rōjañe aolep peejne j ko im rejjab ekkar nān men ko remḃ bwe ren kōmman kiltōn kakkobaba ettoļok.

Ilo Maaj 18, 2020, ikar kabbōjrak ṃakūt kūt in ekkatak armej-ñan-armej ilo iṃōn jeļāļokjeṃ utiejļok ṃae Eprōļ 28, 2020.

## **WŌTAR IN KŌMMAN NŌMBA 20-25 PEIJ RUO**

Ilo Maaj 19, 2020, ikar wōtar aer korrūmwiji kiltōn kōjparok-ājmuur jab-idiñ, ñan kōjparok kein kōjparok emake im peet ko ilo aujpitōl ko kōn an state eo kajjioñ in uwaak-idiñ ñan COVID-19. Ikar barāinwōt kipel Oregon Marōn kōn Ājmuur (Health Authority) eo ñan tōl ikijjien jemļok ko im kōn etale ri-loļok ro ilo aujpitōl ko im jikin mwijmwij ro me remarōn emmakūtkūt.

Ilo Maaj 22, 2020, ikar likūti juon iien ekadu ñan kattar kōn eviction ko ilo mōko imōn jokwe kōn jañin-kōļļā, im kar kōmō an ri-jejjēt kūtien kakien ko jān aer jakemaanļok, leļok, ak kōmman ekkar ñan jabdewōt kōjjeļā, wōtar ak jeje in kabbōjrak jokwe, ekkar ñan eviction ko jān imōn jokwe kōn jañin-kōļļā.

Ilo Maaj 23, 2020, Ikar wōtar Ri-Oregon ro bwe ren “Pād Wōt Mweo, Kōjparok Mour,” im kipel armej ñan pād wōt ilo mōko mweier ñan joñan aer marōn, im kar wōtar aer kilōk ejejjet mōko imōn peejne, kakien kiltōn kōttoļok ānbwin ilo mōko jet lōbwilej im private, im kar likūti kakien ko kōn meļan ko inabōj im mōko imōn kōjparok ajri me elōñ aer laijen.

Ilo Eprōļ 1, 2020, ikar kipel ñan kattar wōt kōn aer kabbōjrak bujen rent imōn im jokwe im imōn jab-jokwe im eviction ko kōn likjab in kōļļā, ñan loloodjake ke armej ro remarōn pād wōt mōko mweier ñan joñan aer marōn, im ñan kapen an armej ebbōk mweiuik im jipañ ko me rej aikuji iumwin iien idiñ in.

Ilo Eprōļ 8, 2020, ikar keeañ ke jenaaj kōmōñāñe an jikuuļ ko ikkiil im kōn ad kabbōjrak emmakūtkūt in ekkatak armej-ñan-armej ilo imōn jeļāļokjeņ utieļok ñan jemļokin tōm ko academic im iiō in jikuuļ eo kiiōkiiō.

Ilo Eprōļ 13, 2020, ikar keeañ ke emōj an Oregon kaddeļoñe juon Bujen State ko Rālik ippān state ko Washington im California, ñan karejar amjel kajjioñ ñan jelmae COVID-19 im bar kōpeļļok economy ko amjel. Ālikin iien eo, Colorado im Nevada rekar kaddeļoñ Bujen State ko Rālik eo.

Ilo Eprōļ 15, 2020, ikar wōtar jet kiltōn kapen ke kweilok ko an jar ko lōbwilej ren ejeļok uwōta im ñan jipañ an kien ko local emmakūtkūt wōt iumwin tōre in COVID-19 ļap-waļok.

Ilo Eprōļ 27, 2020, ikar jakemaanļok juon wōtar me ej kōmālim ad baat wōt im kōroļ kiltōn kōjparok-ājmuur ko jab-idiñ, meñe rej madmōde ilo aer ļoore kajiniet

ko jān Oregon Maroñ kōn Ājmuur me ej loloodjake ke enaaj bwe joñan aujpitōl im wōran PPE.

## **WŌTAR IN KŌMMAN NŌMBA 20-25 PEIJ JILU**

Doulul kōn an Laḷ in Ājmuur (World Health Organization) eo ej watōke COVID-19 āinwōt juon nañinmej-ñan-aolep ilo aolepan laḷ eo. COVID-19 emaroñ in kōmman nañinmej in menono ekauwōtata me enaaj bōlen wōnmaanḷok ñan nañinmej ekauwōtata ak ñan mej. COVID-19 ej ajeeded armej-ñan-armej ilo aer pokpok im mǎje, keepaak doon, āinwōt ilo aer jibwe pā ak “shake hands,” jibwe juon men eo ak ioon im virus eo ej pād ioon, innām jibwe loñiōm, bōtim, ak mejem.

Emōj an wōpija in ājmuur loḃwilej state im local rōjañ ke kij virus eo ej emmakūtkūt ilo jukjukin pād im rej katmāne ke enaaj lōñḷok wōran keej ko ñe rej kōmeraḷok jemḷok ko. Tok ñan rainin, elōñ ejjab dikḷok jān 3,416 keej im 134 rekar mej ilo Oregon, im elōñḷok jān 80,000 im rekar mej kōn COVID-19 ilo aolepan aelōñ in. Kōnke uwōta in an COVID-19 bar ḷap-waḷok ej pād wōt ñe jejjab loloodjake kiltōn kōjparok; jej aikuj in loloodjake wōt ad pojak, ñe jej plan ñan kōmeraḷok jemḷok kein ilo naaj iien ko.

Kōttoḷok-ānbwin, wōtar eo ñan “Pād wōt Mweo, Kōjparok Mour,” im bar emmakūtkūt ko aikuji me emōj kōnono kake ilōñ rekar jipañ ilo ad kadikḷok an COVID-19 ajeeded ilo Oregon. Āinwōt emōj kōllaajrak ilo Wōtar in Kōmman in, State eo enaaj loloodjake juon wāween bar kōpeḷḷok emmakūtkūt ko social, economic, im bar jet ilo Oregon me elōñ alen, meḷeḷe ko rej maḃmōde, im kōm enaaj karōke ñan peḷaakin. Kiltōn bar peḷḷok in ej aikuj in jokkun wōt juon ilo ad aikuj in jaruki im kōkajoor adwōj emman mour ilo men ko social im economic im ad bōbrae an COVID-19 bar waḷok me enaaj koḃkure pedpedin ajāllikin public health reaorōk im emōj tōprak mǎe raan in. Mejānkajjik ko ad ilo kiltōn bar kōpeḷḷok ej kōpooḷ ad kadikḷok wōran armej me rej kaddeḷoñ aujpitōl ak mej.; kadikḷok uwōta ñan ri-jerbal ro iḃaantata; bōbrae ad koobrak system in ājmuur ko, kōmālim an armej safe wōt im roḷ ñan jermal eo aer bwe ren maroñ kōjparoke er make im baamle ko aer; kōjparoke ro im rej pād iumwin uwōta eḷaptata ñan ebbōk nañinmej ekauwōtata, eḷaptata jukjukin pād an ri-kalor ro; im jepake kakkobaba reddik me rej kōjparoke an jukjukin pād karejar im maḃmōde manit ko.

Ad loe jeraamman kōn alen bar kōpeḷḷok kein enaaj atare an ri-kōjermal armej, ri-jermal, im loḃwilej maroñ ñan dāpiji kiltōn kōttoḷok ikijien ājmuur-loḃwilej, safety, im kōttoḷok-ānbwin. Ilo ad bōbrae im bōk eddo ioon ḷap-waḷok im kōjjemḷok an COVID-19 ajeeded elōñ iaḷ ñan bōbrae naaj jorrāan ilo peejneḷ im social, im ñan kōmālim mour eo economic im social ilo Oregon bwe en bar mour. Aolepan jermal

eo epen im emōj an Ri-Oregon ro maḍmōde tok n̄an rainin n̄an juuri kōōb eo ej kōketak eō ke State eo ad emaroñ jeraamman ilo an wōnmaanḷok ilo an bar kōpeḷḷok kōn alen rebat.

### **KŌN MEN KEIN KIIŌKIIŌ, IJ KIPEL IM WŌTAR KE:**

Ilo aō ḷoore ORS 433.441, ORS 401.168, ORS 401.175, im ORS 401.188, ij wōtar men kein me rej ḷoor:

### **WŌTAR IN KŌMMAN NŌMBA 20-25 PEIJ EMĀN**

#### **Nalōmān n̄an bar Kōpeḷḷok juon Oregon Ej Safe im Ekajoor**

1. Wōtar in Kōmman in ej kōroḷtok im ej bōk jikin jet Wōtar in Kōmman ko rejejjjet, ej kajuuri pedpedin kakien ko, im maḍmōd in bar kōpeḷḷok kōn alen kōn aolepan state eo.
  - a. Pedpedin Kakien Ko. Wōtar in Kōmman in ej jakemaanḷok jet pedpedin kakien ko rejejjjet—kiltōn kōjparok jej aikuḷ ilo aolepan state eo—me Ri-Oregon ro im Oregon peejneḷ ko rej aikuḷ in etal wōt im dāpiji, n̄an kōjparoke jukjukin pād ko ad bwe ren safe wōt im n̄an kōmālim bwe maḍmōd in bar kōpeḷḷok kōn alen enaaj wōnmaanḷok wōt. Pedpedin kakien kein renaaj ekkar ilo aolepan state eo, ijellōkun emōj ukōte ilo kipel im kajiniet ko kōn bar kōpeḷḷok kōn alen, ak āinwōt ukōte ilo bar wāween āinwōt kōmālim iumwin Wōtar in Kōmman in.
  - b. Bar Kōpeḷḷok kōn Alen. Wōtar in Kōmman in ej kajuuri maḍmōd-kōn-alen me Oregon enaaj kōjerbale n̄an bar kōpeḷḷok an mour economic, kōpool kein joñjoñ me State eo enaaj kōjermal n̄an watōke elañne en kōmeraḷok ak kōkankane jemḷok ko, n̄an dāpij bwe Ri-Oregon ro ren safe wōt. Ad maḍmōde enaaj wōnmaanḷok ilo jilu alen— Alen I, Alen II, im Alen III. Kōm enaaj kōmālim county ko bwe ren emmakūt ilo alen ko ilo mōkajier reoktak.
  - c. Ekkalin Wōtar in Kōmman in. Pārokōrāap 2–12 ilo Wōtar in Kōmman in rej kōllaajrak pedpedin kakien ko me rej ekkar, ilo aolepan state eo, mokta jān juon county ak State eo ej deḷoñe Alen I, im rej ekkar wōt ijellōkun im maē kōmij ukōte. Jet iaan pedpedin kakien kein renaaj oktak ilo Alen I, im ilo naaj alen ko, āinwōt kōllaajrak ilaḷ ilo pārokōrāap ko 13–22.

## **Pedpedin Kakien Ko.**

2. Pād Wōt Mweo, Kōjparok Mour. Ad loloodjake bwe jukjugin pād eo ad en safe wōt im nān bar kōpeļļok economy eo ad ej atartar an Ri-Oregon ro etal wōt im pād wōt ilo mōko iṃweir nān kōjparok mour, im aer dāpiji kakien kōttoļok-ānbwin reaorōk im bar jet kiltōn ājmuur. Nān kōjparok ājmuur, safety, im eṃṃan mour eo an State in Oregon ilo iien idiñ me ej etal wōt ke armej ren etal wōt im pād wōt ilo mōko iṃweir ak ilo jikin jokwe eo aer, nān joñan aer maroñ. Nān jibadek jeṃļok eo, ilo ad ļoore ORS 433.441(3), ORS 401.168(1), ORS 401.175(3),

## **WŌTAR IN KŌMṀAN NŌMBA 20-25 PEIJ ҪALEM**

Im ORS 401.188(2) nān (3), im iuṃwin kaje ko men eṃōj kaalikkar ilo ORS 401.990, ij wōtar men kein me rej ļoor:

- a. Armej ro rej aikuj in etal wōt im dāpiji jeṃļok ko kōn iien kakkobaba, āinwōt jakēmaañļok ilo pārokōrāp 3 ilo Wōtar in Kōmṃan in.
  - b. Eṃō an armej etal nān peejneṃ ko me rej ikkiil wōt ilo ad ļoore pārokōrāp 5 ilo Wōtar in Kōmṃan in, im aer lokjak ilo ṃwilin me eṃōj kōṃō ilo jabdewōt Wōtar in Kōmṃan ak ejjab ekkar nān ennaan in kajiniet me eṃōj an Oregon Maroñ kōn Ājmuur (Health Authority(OHA)) eo leļok.
  - c. Nē armej rej moot jān mōko iṃweir ak jikin jokwe, ren loloodjake bwe ren kōttoļok-ānbwin ejjab dikļok jān jiljino (6) ne jān jabdewōt armej me ejjab uwaan kapijukunen eo aer, nē remaroñ, im ren dāpiji jabdewōt kajiniet jān OHA me ekkar, kōpooļ ak ejjab jeṃļokin, kajiniet kōn kōttoļok-ānbwin im kein kalbubuuk iturin mejāer. Ennaan in kajiniet jān OHA ej pād ilo <https://govstatus.egov.com/OR-OHA-COVID-19>.
3. Kakkobaba. Iien kakkobaba ren jakēmaañļok uwōta rejejjēt kōn an COVID-19 ajeeded, āinwōt an armej pād wōt ilo aer ekkeitaak jarlepju reļap ej leļok uwōta eļapļok ikijjien kaajeeded nañinmej eo im, nē juon armej etōrañ ej pād wōt ilo iien kakkobaba eo, ej kanooj in kaapañ jermal in anōk-ri-ekkeitaak eṃōkaj im ejejjet kūtien. Ekkar nān men kein, im ilo aō ļoore ORS 433.441(3)(a), (b), (d) im (f), ORS 401.168(1), im ORS 401.188(2), ij wōtar ke men kein me rej ļoor:

- a. Lien Kakkobaba kōn Manīt, Kien, im Pedped-ioon -Tōmak. Emo aolep iien kakkobaba kōn manīt, kien, im pedped-ioon-tōmak im elōnļok jān 25 armej ie. Iien kakkobaba kōn manīt, kien, im pedped-ioon-tōmak im elōn 25121 ak iietļok armej remālim nē remaroņ loloodjake bwe ren kōttoļok ejjab dikļok jān jiljino (6) ne ikōtaan armej jān kapijukunen ko jet, im nē rej ļoor bar kajiniet ko kōn kōttoļok-ānbwin jān OHA.
- b. Kakkobaba ko Social im Ikkure. Remo wōt kakkobaba ko social im Ikkure inabōjin mōko imōn armej ak juon jikin jokwe, jekdoon joņan, ijellokun remaroņ loloodjake aer kōttoļok-ānbwin ejjab dikļok jān jiljino (6) ne aolep iien ikōtaan armej me rej itok jān kapijukunen ko oktak, im nē āindein, emālim iien kakkobaba ko social im ikkure nān joņoul (10) armej.

#### **WŌTAR IN KŌMŅMAN NŌMBA 20-25 PEIJ JILJINO**

- c. Pārokōrāāp 3 ilo Wōtar in Kōmņman in ej ekkar nān kakkobaba wōt, im ejjab ekkar nān mōko jikin jermal, imōn wia mōnā, imōn wia retail, imōn wia repaak, pāān im credit union ko, imōn wia kiaj, imōn hotel ak motel, imōn kōjparok ājmuur, imōn wia wūno, imōn kōjparok ajri, imōn jikuuļ ko, imōn jeļāļokjeņ utiejļok, im kien local ak state, me rej pād iumwin ennaan in kipel ko jet.
  - d. Governor eo emaroņ ukōte ennaan in kipel ilo pārokōrāāp 3 ilo Wōtar in Kōmņman in, āinwōt ej aikuj. Jabdewōt oktak ko renaaj waļok ilo <https://govstatus.egov.com/OR-OHA-COVID-19>.
4. Mōnā im Menin Idaak. Ilo aō ļoor ORS 433.441(3)(a), (b), (d) im (f), ORS 401.168(1), im ORS 401.188(1) to (3), pedpedin kōmo ikijjien mōko imōn mađmōde kijen im limen armej me rej ļoor renaaj etal wōt im ekkar maē ammēm ukōte ilo Alen I (ilo ammēm ļoore pārokōrāāp 17(b) ilo Wōtar in Kōmņman in), ak āinjuon:
- a. Mōko imōn mōnā, baar, tavern, brew pub, wine baar, jikin elōn imōn mōnā (food court), imōn coffee, kuļab, ak bar peejneņ ko āindein me rej mađmōde mōnā ak menin idaak, emo aer leļok ak kōmālim an armej mōnā ak idaak ijo ilo-jikin.
  - b. Peejneņ ko remaroņ in leļok mōnā ak menin idaak nān mōnā ak idaak nabōjin-jikin (āinwōt take-out ak tūraip-through) ak nān bōkļok (delivery). Peejneņ ko me rej leļok jipaņ āindein rej aikuj in

jejjet kütien kiltōn kōttoḷok-ānbwin bwe en wōr ejjab dikḷok jān jiljino (6) ne ikōtaan ri-wia ro me rej wōtar, kattar wōt, ak pād wōt ilo ḷain eo, ekkar nān jabdewōt an Oregon Maroñ kōn Ājmuur (Health Authority) eo kajiniet me ekkar. Peejneḷ ko rej bar aikuj in jejjet kütien kiltōn kōttoḷok-ānbwin ejjab dikḷok jān jiljino (6) ne nān ri-gerbal ro, nē remaroñ. Jabdewōt iien im rej wiakake dān in idaaḷ arkooḷ nān idaaḷ nabōjin jikin ej aikuj in ḷoore ORS chapter 471 im jabdewōt kakien ko me emōj ebbōk iumwin.

- c. Pārokōrāap 4 ilo Wōtar in Kōmman in ejjab ekkar nān mōko imōn kōjparok ājmuur, imōn kōjparok ajri, jikin gerbal, imōn kien, imōn uwaak-idiñ, būrookraam in leḷok mōñā jān jikuul, im būrookraam in leḷok jikin kiki im mōñā im rej madmōde nān jarin armeḷ remōjḷok. Kōmij rōjañe ijoko āindein bwe ren kōjgerbal kōttoḷok-ānbwin, schedule ko ukotak, take-out, im bar kiltōn madmōd āindein nān kadikḷok uwōta eo ikijjien an COVID-19 ajeeded.

## **WŌTAR IN KŌMMAN NŌMBA 20-25 PEIJ JILJILIMJUON**

- d. Governor eo emaroñ ukōte ennaan in kipel ilo pārokōrāap 4 ilo Wōtar in Kōmman in, āinwōt ej aikuj. Jabdewōt oktak ko renaaj waḷok ilo <https://govstatus.egov.com/OR-OHA-COVID-19>.
5. Kōn Jet Peejneḷ ko Rejejjet Ikkiil. Ilo aō ḷoor ORS 433.441(3)(a), (b), (d) im (f), ORS 401.168(1), im ORS 401.188(1) to (3), pedpedin kōmō ikijjien mōko imōn madmōde kijen im limen armeḷ me rej ḷoor renaaj etal wōt im ekkar maē ammem ukōte ilo Alen I (ilo ammem ḷoore pārokōrāap 17(b) ilo Wōtar in Kōmman in), ak āinjuon:
  - a. Emō wōt an armeḷ madmōde peejneḷ kein me rej ḷoor, kōnke eapañ ak rejjab maroñ in bōbrae an armeḷ kepaake im ekkeitaak doon:

Amusement baak; aquarium, arcade, imōn mwijbar im jikin kōmman kooḷan bōran; bowling alley; imōn wia cosmetic; jikin ekkatak eb; madmōde esthetician; imōn doulul ko fraternal, gym im fitness studio (kōpooḷ gym in tallōn ko); hookah baar; mall ko ilowaan im inabōj (āinwōt, aolep mōttan juon imōn retail me elōn imōn wia mweiuk im imōn mōñā ilo juon wōt jikin); jikin pade ilowaan (kōpooḷ gym in kālōk im laser tag); spa wūno, spa kōn iturin māj, spa in raan, im therapy massage jab-wūno; museum; salon ko kōn akkiin pā im tanning; jab-tribal ruum in kaat; jikin jikeet ko;

jikin rütto ro emmakūtkūt; ski resort; kuḷab ko social im private; jikin eo/pierce; tennis kuḷab, theater, yoga studio, im kuḷab ko an jodikdik.

- b. Kōn an Governor eo kar kipel, OHA enaaj ukōte laajrak in peejneŋ ko ikkiil me emōj jakemaanḷok ilo pārokōrāāp 5(a) ilo Wōtar in Kōmman in, āinwōt ej aikuj. Jabdewōt oktak ko ilo laajrak in peejneŋ ko ikkiil me kōmij keeañ kil kajiniet enaaj waḷok ilo <https://govstatus.egov.com/OR-OHA-COVID-19>.
- c. Pārokōrāāp 5(a) ilo Wōtar in Kōmman in ejjab ekkar nān mōko imōn mōnā, baar, tavern, brew pub, wain baar, café, jikin elōn imōn mōnā (food court), ak bar peejneŋ ko āindein me rej leḷok mōnā ak menin idaak, me rej pād wōt iumwin pārokōrāāp 4 ilo Wōtar in Kōmman in.

## **WŌTAR IN KŌMMAN NŌMBA 20-25 PEIJ RUWALITŌK**

- d. Mall ko ilowaan im inabōj, im bar peejneŋ ko iumwin pārokōrāāp 5(a) ilo Wōtar in Kōmman in, ejjab mo aer maḍmōd nān leḷok mōnā, mweiuk grocery, kōjparok ājmuur, wūno/ājmuur, imōn wia wūno ak imōn menin mour nājnāj.
  - e. Emālim an ski resort ko maḍmōd, ekajju im jeppet kūtien, im barāinwōt mōko imōn kaalwōje jiña, boutique, imōn wia jea im tebōl, im imōn wia diede im pāānkōl, im ejeppet kūtien ilo Mae 15, 2020, meñe kōm ekar kōpooḷe ilo laajrak in peejneŋ ko re ikkiil me kōm ekar jakemaanḷok ilo pārokōrāāp 2 ilo Wōtar in Kōmman 20-12. Peejneŋ ko me emōj jakemaanḷok ilo pārokōrāāp in rej aikuj in ḷore menin leḷok ko jet ilo Wōtar in Kōmman in im kajiniet eo an OHA, kōpooḷe ak ejjab jemḷokin ilo kajiniet kōn alen retail.
6. Peejneŋ ko Retail. Ilo aō ḷore ORS 433.441(3)(a), (b), (d), im (f), ORS 401.168(1), im ORS 401.188(1) nān (3), ij wōtar men kein me rej ḷoor:
- a. Jabdewōt peejneŋ retail me ejjab pād iumwin pārokōrāāp 5(a) ilo Wōtar in Kōmman in remaroñ maḍmōd ñe peejneŋ eo ej ḷore jabdewōt kajiniet jān OHA ekkar wōt, kōpooḷ ak ejjab jemḷokin ilo kajiniet kōn alen retail, jeppet kūtien ilo Mae 15, 2020. Ñe Governor eo ej kipel, OHA emaroñ ukōte kajiniet eo jān iien nān iien, āinwōt ej aikuj.



- b. Peejnej ko retail me relikjab ilo aer ļoore pārokōrāāp 6(a) ilo Wōtar in Kōmman in renaaj ikkiil mae aer kowaļok aer ļoore.
  - c. Pārokōrāāp 6 ilo Wōtar in Kōmman in ebarāinwōt ekkar nān mōko imōn wia mōnā im imōn wia wūno, jejjēt kūtien ilo Mae 22, 2020. Ejjab ekkar nān kōjparok-ājmuur ak madmōde wūno, me kōmij kanooj in rōjaņe bwe ren kajuuri im ļoore kiltōn kōttoļok-ānbwin.
7. Men ko Remo ilo Jikin Jerbal. Ilo aō ļoore ORS 433.441(3)(a), (b), (d) im (f), ORS 401.168(1), im ORS 401.188(1) nān (3), ij wōtar ke men kein me rej ļoor im remo kōn jikin jermal ren pād wōt im jejjēt kūtien:
- a. Aolep peejnej ko im doulul ko ejjeļok-orļok im elōn aer wōpij ilo Oregon renaaj jipaņ an ri-jermal ro jermal-talboon/online im jermal-jān-mweo, nān joņan aer maroņ. Emo jermal ilo wōpij ko nē elōn menin ekkāālel āinwōt jermal-talboon im jermal-jān-mweo, ekkar nān eddoin

**WŌTAR IN KŌMMAN NŌMBA 20-25  
PEIJ RUWATIMJUON**

kadkad eo an, nē elōn iaļ in jermal-talboon/online, im nē ebwe network eo.

- b. Nē ejjeļok menin ekkāālel ko jermal-talboon im jermal-jān-mweo, peejnej im ejjeļok-profit ko rej aikuj in jītōne juon ri-jermal ak wōpija nān kajuuri, jinoe, im jejjēt kūtien kakien policy ko ikijjien kōttoļok-ānbwin, ekkar nān ennaan in kajiniet jān OHA. Kakien policy ko āindein ren barāinwōt jelmae wāween an peejnej eo ak ejjeļok-profit eo naaj kōjparok kiltōn kōttoļok-ānbwin nān ri-loļok ro me peejnej eo ej aikuj.
- c. Peejnej ko im ejjeļok-orļok ko rej aikuj in ļoore jabdewōt ennaan in kajiniet jān OHA im ekkar, kōpool ak ejjab jemļokin ilo kajiniet ko nān ri-kōjermal armej ro. Nē Governor eo ej kipel, OHA emaroņ ukōte kajiniet eo jān iien nān iien, āinwōt ej aikuj.
- d. Peejnej ko im ejjeļok-profit ko me relikjab ilo aer ļoore pārokōrāāp 7 ilo Wōtar in Kōmman in renaaj ikkiil mae aer kowaļok aer ļoore.

8. Mōko Imōn Kien eo. Ilo aō ʎoore ORS 433.441(3)(a), (b), (d) im (f), ORS 401.168(1), im ORS 401.188(1) n̄an (3), ij wōtar ke men kein me rej ʎoor im remō kōn mōko wōpij im imōn kien ren pād wōt im jejjet kūtien:
- a. Aolep mōko imōn im wōpij an state raan kōmman (executive), n̄an joñan aer maroñ, renaaj ikkiil n̄an ʎobwilej im madmōde n̄an ʎobwilej ilo talboon im online ilo awa in peejnef rekkā. N̄an joñan ke rejjab maroñ in ikkiil, makūtkūt ko armej-n̄an-armej ikōtaan ri-ferbal ro im ʎobwilej en ālikin aer kōmman juon appointment, n̄e remaroñ. N̄e madmōd ko ʎobwilej rej aikuji makūtkūt ko armej-n̄an-armej, rej aikuji in kajuuri, jinoe, im jejjet kūtien kiltōn kōttoʎok-ānbwin, n̄an joñan aer maroñ.
  - b. Mōko imōn im wōpij ko an raan kōmman eo an state eo renaaj jipañ bwe ri-ferbal ro aer ren maroñ ferbal-talboon (telework) im ferbal-jān-mweo, n̄an joñan aer maroñ. N̄e rejjab maroñ in ferbal-talboon ak ferbal-jān-mweo, agency ko rej aikuji in jitoñe juon ri-ferbal ak wōpija n̄an kajuuri, jinoe, im jejjet kūtien kakien policy ko ikijjien kōttoʎok-ānbwin, ekkar n̄an kajiniet jān OHA.

#### **WŌTAR IN KŌMMAN NŌMBA 20-25 PEIJ JOŃOUL**

- c. Governor eo emaroñ ukōte ennaan in kipel ilo pārokōrāap 8 ilo Wōtar in Kōmman in, āinwōt ej aikuji. Jabdewōt kajiniet me ej keeañ kōn oktak ko āindein enaaj waʎok ilo <https://govstatus.egov.com/OR-OHA-COVID-19>.
  - d. Pārokōrāap 8 ilo Wōtar in Kōmman in enaaj ekkar n̄an aolep wōpij ko im mōko me state raan kōmman eo rej owner eo ak ej pād ilowaan. Wōtar in Kōmman in ejjab ekkar n̄an aolep wōpij im mōko me state raan kakien im ekajet, kien ioʎap, kien local, im kien tribal rej owner eo ak rej pād ilowaan, bōtaab kōmij kajoor im rōjañe kien ko bwe ren ʎoore kakien ko me rej pād iumwin ennaan in kipel kein.
9. Ikkure Inabōj im Ito-Itak. Ilo aō ʎoore ORS 433.441(3), ORS 401.168(1) im (3), im ORS 401.188(2) n̄an (3), ij wōtar men kein me rej ʎoor:
- a. Armej ro remaroñ in etal inabōj n̄an makūtkūt in ikkure (etetal, hiking, āierʎok wōt), ak rej aikuji in kōjjeṃʎok makūtkūt ko n̄an jab-ekkeitaak, im emō aer bōk kuṃaer ilo makūtkūt ko inabōj im rejjab maroñ in loloodjake kōttoʎok-ānbwin ekkar im ʎoore kajiniet ekkar

jān OHA kōn maḱūtkūt ko inabōj me. Mānija ko ikijjien ikkure rebarāinwōt aikuj in ʎoore kajiniet jān OHA im ekkar. Nē Governor eo ej kipel, OHA emaroñ ukōte kajiniet eo jān iien nān iien, āinwōt ej aikuj.

- b. Armej ro ren etal wōt im kadikʎok aer itok-itaak me rejjab lukkuun aikuj, ekkar nān kajiniet eo ekkar jān OHA. Nē remaroñ, Ri-Oregon ro ren ito-itak tōran ediktata nān ak jān m̄weier, jikin jokwe, ak jikin jerbal; nān ebbōk ak leʎok mōñā, jikin kiki, m̄weiuk ko me ri-wia ro rej aikuji, jeʎāʎokjeñ, kōjparok-ājmuur, ak maḱmōd-idiñ; nān ebbōk ak maḱmōde peejne me rej aikuji ak jipañ nān kien; nān kōjparoke rūtto, ajri, ri-atartar, armej me elōñ aer utaḱwe, ak ro jet me reḱōjḱo, menin mour nājnāj, ak menin mour livestock; nān ito-itak āinwōt wōpija ro an kien rej kipel, jejjet kūtien kien, ak imōn ekajet; im bar em̄maḱūtkūt ko economic, social, ak ikkure im Wōtar in Kōmḱan ko aō ak kajiniet jān OHA rej kōmālim.

## **WŌTAR IN KŌMḱAN NŌMBA 20-25 PEIJ JOŃOUL JUON**

- c. Wōtar in Kōmḱan in ej kaḱool ke ennaan in kipel eo aō mokta, jejjet kūtien ilo Mae 5, 2020, me ekar kōmālim an campground ko ʎobwilej im private kāālōte nē rekōḱaan bar kōpeʎʎok nē remaroñ ʎoor kajiniet eo an OHA ikijjien ikkure inabōj.
- d. Oregon Raan Baak im Ikkure (Parks and Recreation Department) eo ej nān kilōk jabdewōt jikin ak m̄weo, nē reban loloodjake kōttoʎok-ānbwin.
- e. Ilo iien in aolep jikin tutu, jikin jikeet, jikin ikkure inabōj, im jikin equipment in ikkure ko rej pād wōt im ikkiil wot. Nē Governor eo ej kipel, OHA ak bar juon state agency me ekkar emaroñ leʎok kajiniet me ej kōmālim juon ak lōñʎok iaan mōko kain kein bwe ren peʎʎok. Kajiniet āindein enaaj pād wōt ilo <https://govstatus.egov.com/OR-OHA-COVID-19>.
10. Jeʎāʎokjeñ Utiejʎok, Jikuul ko, Kōjparok Ajri, Būrookraam in Jodikdik. Emōj an Governor eo kipele doulul ko an state eo kōn jeʎāʎokjeñ bwe ren karejar ippān ro mōttaer jikuul im jeʎāʎokjeñ ilo aolepan Oregon nān karōke juon plan ikijjien bar kōpeʎʎok Oregon, bwe ri-jikuul ro ilo Oregon remaroñ roʎ nān kilaj ruuḱ eo kōn iio in jikuul eo 2020-2021, ilo jabdewōt wāween. Mōko imōn jeʎāʎokjeñ utiejʎok renaaj etal wōt ilo aer ʎoore Wōtar in

Kōmman 20-09, kōpool āinwōt kar kōmōnāne ak ukōte ilo bar Wōtar in Kōmman ko, im jabdewōt ennaan in kajiniet jān Douluul in Karejar Jeļāļokjeņ Utieļok (Higher Education Coordinating Commission). Mōko imōn kōjparok ajri, im jabdewōt aer kōmōnāne ak kōjjeļok aṃi kōjparok ajri, enaaj wōnmaanļok wōt ilo an ļoore Wōtar in Kōmman 20-19, kōpool āinwōt kar ukōte ilo bar Wōtar in Kōmman ko, im jabdewōt ennaan in kajiniet jān Raan jeļāļokjeņ, Raan Mōkaj im Ekkatak, Wōpij in Kōjparok Ajri (Department of Education, Early Learning Division, Office of Child Care) eo. Jikuuļ ko K-12 renaaj etal wōt im pād iuṃwin Wōtar in Kōmman 20-20, kōpool āinwōt kōmōnāne ak ukok ilo bar Wōtar in Kōmman ko, im jabdewōt ennaan in kajiniet jān Raan Jeļāļokjeņ eo. Elaņne eṃōj an Governor kipel ṃan kōmman āindein, OHA ak bar juon state agency eo ekkar emaroņ leļok bar kajiniet kōn būrookraṃ ko ṃan jōdikdik im ajri, kōpool ak ejjab jeļokin ilo camp ko ilowaan mōko im inabōj, im jemar camp ko im rej kiki ie ilo boņ.

11. Kajiniet. Ilo aō kipel, im iuṃwin maroņ eo an Wōtar in Kōmman in im bar Wōtar in Kōmman ko, eṃōj an OHA im bar agency ro rekkar leļok im naaj etal wōt im leļok im kōkāal kajiniet ko tipdik ṃan lōbwilej, ṃan ri-kōjberbal armej, im mōttan economy eo rejjejt. An Oregon wōnmaanļok ṃan bar kōpeļļok ej atare an aolep Ri-Oregon ro etal wōt im ļoore kajiniet ko rekkā im mōttan-jejt me rekkar jān OHA im bar state

## **WŌTAR IN KŌMMAN NŌMBA 20-25 PEIJ JOŅOUL RUO**

agency ko. Eṃōj an Oregon kōjerbale juon iaļ me ej kallimjek im ej pedped ion science ṃan uwaake idiņ in COVID-19 me ej etal wōt. Ilo add wōnmaanļok wōt im ekkatak kōn ad tariņae novel coronavirus eo, Ri-Oregon ro remaroņ katmāne ke kōm enaaj aikuļ in ukōte kajiniet eo iuṃwin tōre aitok, ṃan loloodjake ad uwaake idiņ ilo wāween me elōn tokjān. ṃan menin jibadek in, ṃe Governor eo ej kipel ṃan kōmman āindein, OHA ak bar agency ko, āinwōt ekkar, renaaj ukōte ak leļok bar tipdik ko ikijien jabdewōt iaan kakien ko pedped āinwōt kar jakēmaanļok ilo pārokōrāp ko 2 ṃan 10 ilo Wōtar in Kōmman in, āinwōt aikuļ, im iuṃwin an Governor eo naaj kōweppān. Jabdewōt otkak ko im bar kajiniet enaaj waļok ṃan lōbwilej ilo <https://govstatus.egov.com/OR-OHA-COVID-19>.

12. Ij kōroļtok Wōtar in Kōmman 20-07 im Wōtar in Kōmman 20-12, im ennaan in kipel ko ilo Wōtar in Kōmman in rej bōk jikier.

## **Nalōmān Bar Kōpellōk Oregon**

13. Kōpellōk kōn Alen. State eo enaaj loloodjake juon wāween bar kōpellōk eṃṃakūtkūt ko social, economic, im bar jet ilo Oregon me elōn alen, meḷeḷe ko rej ṃadṃōde, im kōm enaaj karōke nān peḷaakin. Ad kōpellōk enaaj wōnṃaanḷok ilo jilu alen— Alen I, Alen II, im Alen III. Ad ṃadṃōde kiltōn bar kōpellōk enaaj jokkun wōt juon ikōtaan ajāllikin ikijjien ājmuur im ad aikuj in jaruki im kōkajoor an Oregon eṃṃan mour ilo men ko social im economic.
14. Kakien-mokta nān Kaddeloñ Alen I. Ennaan in kipel ko kōn Alen 1 me eṃōj jakēmaanḷok ilo pārokōrāāp 17 ilo Wōtar in Kōṃṃan in rejejjēt kūtien ilo aolepan state eo nē Oregon ej jelṃae aolepan kakien-mokta ko kōn Alen I. OHA enaaj leḷok kakien-mokta ko, iuṃwin an Governor eo naaj kōweeppān, im naaj bōlen kōpool ak ejjab jemḷokin ilo:
  - a. Edikḷok an COVID-19 waḷok;
  - b. Ebwe wōt jemḷok ediktata ikijjien ṃadṃōde teej;
  - c. Ebwe wōt system in anōk ri-ekkeitaak;
  - d. Mōko iṃōn isolation/quarantine me rebwe wōt;
  - e. Naaj kar leḷok kajiniet ilo ṃōttan aolepan state eo kōn ṃōttan ilo Alen I;

## **WŌTAR IN KŌṃṃAN NŌṃBA 20-25 PEIJ JOŃOUL JILU**

- f. Ebwe joñan maroñ kōjparok-ājmuur; im
  - g. Ebwe wōran kein kōjparok kōj make (PPE).
15. Madṃōd nān Ukoktak nān Alen I ilo Aolepan State. OHA enaaj keeañe Governor eo nē eṃōj jelṃae kakien-mokta ko kōn aolepan state eo me eṃōj jakēmaanḷok ilo pārokōrāāp 14 ilo Wōtar in Kōṃṃan in, im ilo iien in Governor eo emaroñ kōppeḷaak ke Alen I ejejjēt kūtien, ekkar nān kajiniet me eṃōj an OHA leḷok. Ālikin an Governor eo kōppeḷaak kōn men in, kipel

ko kōn Alen I ilo Wōtar in Kōmman in renaaj jejjēt kūtien ilo aolepan state eo.

16. Kiltōn Madmōde an Kajjojo County Ukotak nān Alen I. Meñe Governor eo ejañin leḷok juon ennaan in kōppeḷaak kōn aolepan state eo ilo an ḷoore pārokōrāap 15 ilo Wōtar in Kōmman in, juon county emaroñ in kajjitōk kōn an Governor eo kōweppān aer ukotak nān Alen I elañne county eo ej jelmae aolepan kakien-mokta ko ilo Alen I, aīnwōt emōj jakemaanḷok ilo pārokōrāap 14 ilo Wōtar in Kōmman in, im jabdewōt kajiniet ekkar me emōj an OHA leḷok. Wōpij in Governor eo im OHA remaroñ jitōne kiltōn kajjojo county madmōd nān apply kōn aer kōweppān iumwin pārokōrāap in. Ālikin an Governor eo kōweppān an juon county apply ilo jeje, im ejjab mokta jān Mae 15, 2020, kajiniet ko kōn Alen I rejjēt kūtien ilo ejja county eo.
17. Ennaan in Kipel kōn Alen I. Iumwin Alen I, im jekdoon jabdewōt kakien pedped me rejjab ekkar im emōj jakemaanḷok ilo pārokōrāap ko 2-11 ilo Wōtar in Kōmman in, men in me ej ḷoor emālim ilo jabdewōt county eo im emōj an kipel ko ilo Alen I jejjēt kūtien, ak elañne county eo im emmakūtkūt ko kōweppān rej ḷoor wōt aolepan kajiniet ekkar ilo Alen I me OHA ekar leḷok:
  - a. Kakkobaba Local. Koba ippān kakkobaba ko im emōj kōmālim ilo pārokōrāap 3 ilo Wōtar in Kōmman in, armej ro remaroñ kakkobaba local kōn jabdewōt wūnin ilo jar ko maē 25 armej—kōpool kakkobaba social ak ikkure me rekar mo mokta iumwin pārokōrāap 3(b) ilo Wōtar in Kōmman in—ñe rej ḷoor wōt jabdewōt kakien ko rekar ikijien kōttoḷok-ānbwin im bar kajiniet Alen I me OHA ekar leḷok. Emālim ito-itak local nān kakkobaba aīndein.
  - b. Mōttan Economy eo. Mōttan ko me rej ḷoor remaroñ bar kōpeḷḷok ak kōmōñāne aer madmōd, ñe aer madmōd ej ekkar nān an OHA Alen I kajiniet im aolep kajiniet jān OHA im rekkar:

## **WŌTAR IN KŌMMAN NŌMBA 20-25 PEIJ JOŃOUL EMĀN**

- (1) Mōko kar kajuuri nān madmōde mōñā im menin idaak, kōpool ak ejjab jemḷokin ilo mōko imōn mōñā im baar ko im rej madmōde mōñā ie;

(2) Mōko imōn peejneŋ im kōjparok kōj make, āinwōt salon im gym ko;

Jet peejneŋ ko rejeŋjet im rekar ikkiil mokta iuṃwin pārokōrāāp 5(a) ilo Wōtar in Kōṃṃan in, elaññe kajiniet jān OHA ej kile āindein im Governor eo ej kōweppān; im

(4) Mōttan ko jet āindein im Governor eo emaroñ kile āinwōt rekkar ñan bar kōpeļļok ak kōṃṃāñe aer ṃadṃōd iuṃwin Alen I.

18. Kajiniet. Ekkar ñan an Governor eo kōweppān, OHA (ak bar juon agency, ñe Governor eo ej kipele) enaaj leļok kajiniet kōn bar kōpeļļok kōn alen. Kajiniet eo maroñ kapidodoļok im ukōte jet kakien ko pedped rejeŋjet; jakemaanļok kakien ko kōn Alen I, Alen II, ak Alen III; im leļok bar kajiniet ekkā im ejeŋjet ñan juon ṃōttan wōt. Kōm enaaj likūt kajiniet ilo web atōrej in me ej ļoor: <https://govstatus.egov.com/OR-OHA-COVID-19>.

19. Ukoktak ko Ālikin. Erro state im jabdewōt county reban ukoktak jān Alen I ñan Alen II ijellokun eṃōj an ejjab dikļok jān roñoul juon (21) raan ko mootļok, ñan kōtļok bwe ren etale kōn ajāllikin ājmuur ļobwilej ilo ukoktak eo mokta.

20. Wūnin bar Kōmo. Ad bar kōpeļļok Oregon ej bōktok uwōta kōn an COVID-19 bar waļok me enaaj aikuji emmem kōļapļok ammem kōmo, meñe eṃōj an state ak jet county ko ukoktak ñan Alen I ak alen ko ālikin Ekkar ñan an Governor eo kōweppān, OHA enaaj jitōñe wūnin me remaroñ jinoe ammem bar kajuuri jeṃļok ko reļapļok. Wūn ko rej bōlen ak ejjab jeṃļokin ilo:

- a. Jab maroñ jelṃae kakien ko ikijjien anōk ri-ekkeitaak;
- b. Kein kaṃool kōn an keej in COVID-19 orļok; ak
- c. Kein kaṃool ke ej orļok eddoin keej in COVID-19 rekauwōtata.

## **WŌTAR IN KŌṃṃAN NŌṃBA 20-25 PEIJ JOŃOUL ĻALEM**

Ñe rej jelṃae jabdewōt iaan men ko me renaaj bōlen jinoe, OHA enaaj kūri juon kweilok kajju ippān wōpija in ājmuur-ļobwilej local ñan bar kōnono im etale. Innām OHA enaaj rōjañe Governor eo, im elōñ an

maroñ ñan peek kōn emmakūtkūt ko me rej aikuji, im ebarāinwōt wōr an maroñ ñan kōmadmōde ilo jabdewōt iien.

21. Alen II im Alen III. Ilo an Governor eo Kipele im iumwin an kōweppān, OHA im bar state agency ko rekkar renaaj leļok kajiniet kōn Alen II im Alen III, kōpool ak ejjab jemļokin ilo jabdewōt kakien-mokta ko, ennaan in kipel, ukok ko, madmōd, im wūno ko me rekkar ñan alen ko.
22. Oktak ko. Ñe Governor eo ej kipele, OHA ak bar agency ko, āinwōt ekkar, naaj ukōte ak leļok bar tipdik ko ikijjien jabdewōt iaan kakien ko me emōj jakemaanļok ilo pārokōrāap ko 13 ñan 21 ilo Wōtar in Kōmman in, āinwōt aikuji, im iumwin an Governor eo kōweppān. Jabdewōt oktak ko āindein im bar kajiniet enaaj waļok ñan lōbwilej ilo <https://govstatus.egov.com/OR-OHA-COVID-19>.

### **Menin Leļok ko Rekkā**

23. Tokjān ippān Kien. Emōj leļok Wōtar in Kōmman in iumwin maroñ eo emōj leļok ñan Governor eo ilo ORS 401.165 ñan 401.236. Ilo aō loore ORS 401.192(1), ennaan in kipel ko me emōj jakemaanļok ilo Wōtar in Kōmman in renaaj kanooj in jejjēt kūtien āinwōt kien, im jabdewōt kakien ko, kakien ko jiddik, ruul ko im wōtar ko rejāmin jermal ñan joñan aer jab ekkar ñan an Governor eo kōjermal kajoor-idiñ ko an ilo iien in.
24. Jejjēt Kūtien. Ennaan in kipel ko ilo Wōtar in Kōmman in im jabdewōt ennaan in kajiniet me OHA ak bar jet state agency ko rej leļok ñan jejjēt kūtien Wōtar in Kōmman in ilo aolepan state eo, ijellokun emōj kōjejjēt āinjuon. Wōtar in Kōmman in im jabdewōt kajiniet me OHA ej leļok ñan jejjēt kūtien Wōtar in Kōmman in rej kakien ko ājmuur-lōbwilej, āinwōt kaalikkar ilo ORS 431A.005, im maroñ in jejjēt kūtien āinwōt kōmālim iumwin ORS 431A.010. Koba ippān bar jabdewōt kaje me remaroñ likūti iumwin kakien ko rekkar, jabdewōt armej, peejne, ak doulul me armej rej kile ke emōj an rupe Wōtar in Kōmman in ak jabdewōt kajiniet me emōj an OHA ak bar state agency ko leļok ñan jejjēt kūtien Wōtar in Kōmman in ej pād iumwin er maroñ leļok kaje ko me emōj kaalikkar ilo ORS 401.990.



**WŌTAR IN KŌMᄘMAN NŌMBA 20-25**  
**PEIJ JOŃOUL JILJINO**

25. Maroñ ñan Kōjepel. Elaññe jabdewōt mōttan, mōttan-iuᄘwin, pārokōrāāp, pārokōrāāp-iuᄘwin, jāntōj, clause, phrase, ak naan eo ilo Wōtar in Kōᄘman in kōn jabdewōt wūnin rej dāpiji āinwōt ewaan, aer dāpdep āindein ejāmin jelōte ᄘool in mōttan ko bwe in Wōtar in.
26. Pepe; Ejjeᄘok Maroñ ñan Kōᄘman. Jabdewōt pepe im Governor eo ej kōᄘmane ilo an ᄘoor Wōtar in Kōᄘman in ej kōᄘman ilo an make peek. Wōtar in Kōᄘman in ejjab katmāne ñan kōᄘmane, im ejjab kōᄘmane, jabdewōt maroñ an arnej, menin jeraaᄘman, ak jipañ, elaññe kōn kobban ak ᄘadᄘōd, maroñ jejjet kūtien ippān kien ak ilo an āinwōt juon kōn jabdewōt doulul ᄘae state in Oregon, agency ko an, raan, ak jabdewōt wōpija ro, ri-jerbal ro, ak agent ro an.
27. Raan in Jejjet Kūtien. Menin leᄘok ko ilo Wōtar in Kōᄘman in rekajju im jejjet kūtien, ijellōkun kōjejjet āinjuon, im rej pād wōt im jejjet kūtien ᄘae iien eo im Governor eo ej kabbōjrak.

Kar kōᄘman ilo Salem, Oregon ilo 8:00 jibboñ rainin raan 14 ilo ᄘae, 2020.

---

Kate Brown  
GOVERNOR

KAMOOL:

---

Bev Clarno  
SECRETARY IN STATE